



KURSAAL - KURSAAL ELKARGUNEA, SA-REN KONTRATAZIORAKO BARNE JARRAIBIDEAK

A. APLIKATU BEHARREKO KONTRATAZIO ESPARRUA

B. ERREGULAZIO HARMONIZATUAREN MENDE EZ DAUDEN KONTRATUAK

I. Orokorrean aplikatu beharreko arauak

1. KONTRATAZIO ORGANOA
2. KONTRATISTEK BETE BEHARREKO BALDINTZAK
3. KONTRATUAREN ELEMENTUAK
4. KONTRATUA PRESTATZEA
5. KONTRATUA EGITEA
6. KONTRATUA GAUZATZEA

II. Plegua

III. Esleitzeko prozedurak

1. OBRA KONTRATUAK
2. GAINERAKO KONTRATUAK (HORNIDURA, ZERBITZUAK ETA BESTE BATZUK)

IV. Errekurtsoak

C. ERREGULAZIO HARMONIZATUAREN MENDE DAUDEN KONTRATUAK

I. Orokorrean aplikatu beharreko arauak

1. ESPEZIALITATEAK, KONTRATISTEK BETE BEHARREKO BALDINTZEI DAGOKIENEZ
2. KONTRATUA PRESTATZEA
3. KONTRATUA GAUZATZEA ETA FORMALIZATZEA

II. Plegua

III. Esleitzeko prozedura

IV. Errekurtsoak

1. PRESTATZEA ETA ESLEITZEA
2. ONDORIOAK ETA AMAIERA



V. Ofizios berraztertzea

D. KONTRATATZAILEAREN PROFILA

I. ERANSKINA

II. ERANSKINA

III. ERANSKINA



KURSAAL - KURSAAL ELKARGUNEA, SA-REN KONTRATAZIORAKO
BARNE JARRAIBIDEAK

A. APLIKATU BEHARREKO KONTRATAZIO ESPARRUA

CENTRO KURSAAL - KURSAAL ELKARGUNEA, SA (aurrerantzean, KURSAAL) merkataritza-sozietatearen kapital soziala Donostiako Udalarena eta Gipuzkoako Foru Aldundiarena da.

Kultura-ikuskizunak eta biltzarrak garatzeko aretoak eta espazioak alokatzeko jarduerak garatzen ditu, jardun horien plangintza eta koordinazioaz arduratzen da, eraikina eta instalazioak mantentzen eta doitzen ditu, eta laguntza-zerbitzuak kudeatzen ditu (sukaldaritza, ikus-entzunezkoak, argiztapena, aretoetako langileak, muntaia, segurtasuna eta garbitasuna).

Sektore publikoaren kontratuei buruzko urriaren 30eko 30/2007 Legearen ondorioetarako (aurrerantzean SPKL edo Legea), KURSAAL "**sektore publikoaren**" parte da (Lege horren 3.1.d. artikuluan aurreikusten denaren arabera), eta, Herri Administrazio bat ez bada ere, Lege horretan -3.3. artikuluan "**botere esleitzailerik gisa hartzeko** aurreikusten diren ezaugarriak betetzen ditu. Horrenbestez, **aplikatzekoak zaizkio SPKLan ondorio horretarako aurreikusten diren aginduak.**

KURSAALEk egiten dituen kontratuak **kontratu pribatuak** dira.

KURSAALEk egiten dituen kontratuak honako kategoria hauetan sailkatzen dira:

1. **Legearen mende ez dauden kontratuak**, hau da, ordenamendu juridiko pribatuaren edo, hala badagokio, aplikatzekoak zaizkion arau berezien mende daudenak. SPKLren 4. artikuluan deskribatutako kontratuak dira (jarraibide hauen I. Eranskin gisa txertatu da 4. artikuluko hori). **Ez zaizkie aplikatzekoak honako jarraibide hauek.**
2. **Legearen mende dauden kontratuak, erregulazio harmonizatuko izaerarik ez dutenak.** Kontratu guztiak dira, hurrengo kategoriakoak izan ezik. **Jarraibide hauen B atalean** aurreikusten dena izango zaie aplikatzekoa.
3. **Legearen mende dauden kontratuak, erregulazio harmonizatuko izaera dutenak. Jarraibide hauen C atalean** aurreikusten dena izango zaie aplikatzekoa. Honako kontratuak dira:



- Obra-kontratuak, 5.150.000 euroko balioa edo balio handiagoa dutenak¹.
- Hornidura-kontratuak, 206.000 euroko balioa edo balio handiagoa dutenak¹.
- Zerbitzu-kontratuak, SPKLren II. Eranskineko 1etik 16ra bitarteko kategorietan sartzen direnak eta 206.000 euroko balioa edo balio handiagoa dutenak¹.

Zenbateko horiek BEZ gabeko zenbatekoak dira.

Zenbatekoa edozein izanik ere, ez dira inola ere erregulazio harmonizatuaren mende dauden kontratuak izango SPKLren 13.2. artikuluan deskribatutakoak (jarraibide hauen II. Eranskin gisa txertatu da 13.2. artikuluko hori), ezta SPKLren II. Eranskineko 17tik 27ra bitarteko kategorietako zerbitzu-kontratuak ere.

B. ERREGULAZIO HARMONIZATUAREN MENDE EZ DAUDEN KONTRATUAK

Honako kontratuak dira:

- Obra-kontratuak, 5.150.000 euro baino balio txikiagoa dutenak.
- Hornidura-kontratuak, 206.000 euro baino balio txikiagoa dutenak.
- Zerbitzu-kontratuak, SPKLren II. Eranskineko 1etik 16ra bitarteko kategorietan sartzen direnak eta 206.000 euro baino balio txikiagoa dutenak.
- Zerbitzu-kontratuak, SPKLren II. Eranskineko 17tik 27ra bitarteko kategorietan sartzen direnak eta 13.2 . artikuluko kontratuak, edozein zenbatekoak izanik ere.

¹ Edo Europako Batzordeak aurrerantzean finkatzen duen zenbatekoa, SPKLren Hamalagarren Xedapen Gehigarrian aurreikusten denaren arabera



I. Orokorrean aplikatu beharreko arauak

1. KONTRATAZIO ORGANOA

KURSAALen Estatutuek eta aplikatzekoak diren zuzenbide pribatuko arauak eraenduko dute kontratatze ahalmena.

Honakoa da kontratazio-organoa:

a) 60.000 euroko zenbatekoa gaindituko ez duten kontratuetan:

- Zuzendari gerentea, edo
- Administrazio Kontseilua.

b) 60.000 eurotik gorako zenbatekoa duten kontratuetan:

- Zuzendari gerentea, Administrazio Kontseiluko presidentearekin edo presidenteordearekin batera, edo
- Administrazio Kontseilua bera.

Kontratazio-organoak kontratuarekin zerikusia duten jardun zehatzak gauzatzeko egokiak diren pertsonen ahalmena eman ahal izango die, kasuak kasu.

2. KONTRATISTEK BETE BEHARREKO BALDINTZAK

Honako baldintzak bete eta egiaztatzen dituzten kontratistek kontrata dezakete KURSAALekin:

2.1. Gaitasun-baldintzak

Legearen 43. artikuluan aurreikusten direnak izango dira.

Legearen 44. artikulua (Europako Erkidegokoak ez diren enpresetarako) eta 45. artikulua (bateragarritasuneko baldintza bereziei buruzkoa) izango dira aplikatzekoak.



2.2. **Ahalmena**

Legearen honako artikuluetan eskatzen den ahalmena izango da: 46. artikuluan (pertsona juridikoen ahalmena), 47. artikuluan (Europako Erkidegoko enpresen ahalmena) eta 48. artikuluan (enpresaburuen elkarteen ahalmena).

Legearen 61. artikuluan ezartzen den moduan egiaztatuko da ahalmena.

2.3. **Kontratatzeko debekurik ez izatea**

Kontratatzeko debekuei buruzko 49.1. artikulua eta kontratatze debeku horiek ez dagozkiola frogatzeko moduei buruzko 62. artikulua aplikatuko dira.

2.4. **Kaudimenaren gutxieneko baldintzak.**

Kaudimen ekonomiko, finantzario eta teknikoko gutxieneko baldintzak - kasuak kasu- klausula ekonomiko eta administratiboen pleguan ezarriko dira, eta bertan ezarritako moduan egiaztatuko dira.

Plegu horretan, kaudimena justifikatzeko aurkeztu beharreko dokumentuak ez ezik, kaudimen hori egiaztatze gutxieneko atalaseak ere identifikatuko dira.

Honako artikulua aplikatuko dira: 51. artikulua (kaudimenaren eskakizuna), 52. artikulua (kaudimena kanpoko bitartekoekin integratzea) eta 53. artikulua (kaudimen-baldintzen zehaztapena).

2.5. **Sailkapena**

Klausula ekonomiko eta administratiboen pleguan aurreikusten den kasuetan soilik eskatuko da administrazio-sailkapena.



3. KONTRATUAREN ELEMENTUAK

3.1. Kontratuaren xedea

Erakunde-xedeak betetzeko eta gauzatzeko beharrezkoak direnean egingo ditu kontratuak KURSAALek. Zehatz-mehatz finkatuko dira proiektatutako kontratuaren bidez estali nahi diren premien izaera eta hedadura, eta premia horiek asetzeko xedearen eta edukiaren egokitasuna. Edonola ere, prestakuntza-dokumentazioan jasoaraziko da hori guztia.

Legearen 74. artikuluan xedatutakoaren arabera zehaztuko da kontratuaren xedea.

3.2. Kontratuaren iraupena

KURSAALek honako alderdi hauek hartuko ditu aintzat kontratuaren iraupena finkatzean: zerbitzugintzaren izaera, finantziazioaren ezaugarriak, eta zerbitzugintza aldian behin konkurrentziaren mende jartzeko beharra. Ondorio horretarako, 23. artikuluan xedatutakoa aplikatuko da.

Egin daitezkeen luzapenak klausula ekonomiko eta administratiboen pleguan aurreikusiko dira espresuki.

Zuzeneko esleipenaren ondoriozko 50.000 eurotik beherako zenbatekoa duten obra-kontratuek eta 18.000 eurotik beherako zenbatekoa duten bestelako kontratuek (BEZ kanpo) urtebeteko iraupena izango dute gehienez, eta ezin izango dira luzatu.

3.3. Prezioa

Kontratuaren prezioari, zenbatetsitako balioaren kalkulari eta lizitazio-aurrekontua zehazteari buruzko 75. eta 76. artikuluen arauak aplikatuko dira, betiere Herri Administrazio bat ez izatearen ondoriozko egokitzapenekin.



Klausula ekonomiko eta administratiboen pleguan aurreikusten diren kasuetan soilik berraztertuko dira prezioak.

4. KONTRATUA PRESTATZEA

4.1. Eskaera

Zuzeneko esleipena bidezkoa denean izan ezik, kontratazioari hasiera emateko, jarraibide hauen III. Eranskin gisa gaineratzen den formularioa bete beharko dute KURSAALeko barneko langileek. Formulario horretan jasoaraziko dira proiektatutako kontratuaren bidez estali nahi diren premien izaera eta hedadura, eta premia horiek asetzeko xedearen eta edukiaren egokitasuna.

4.2. Pleguak

Nahitaezkoa izango da 50.000 euroko zenbatekoa (BEZ kanpo) gainditzen duten kontratu guztietan Plegu bat lantzea. Obra-kontratuaz bestelako kontratuetan ere Plegua landu ahal izango da –Kontratazio Organoak erabakitzen duenaren arabera–, betiere kontratuaren zenbatekoa 18.000 eurotik gorakoa (BEZ kanpo) denean.

Zenbateko hori gainditzen duten kontratuetan, klausula ekonomiko eta administratiboen pleguarekin batera baldintza teknikoaren plegua ere aurkeztu beharko da.

200.000 euroko zenbatekoa edo zenbateko handiagoa duten obra-kontratuak lizitatzean, edo 60.000 eurotik gorako zenbatekoa duten bestelako kontratuak lizitatzean, berraztertu egingo dira plegu horiek, eta txosten juridikoaren mende egongo dira.

Obra-kontratuetan, halaber, dagokion obra-proiektua landuko da, eta, hala badagokio, baldintza teknikoaren plegua ordezkatu ahal izango du.

SPKLren II. Eranskinetik 17tik 27ra bitarteko kategorietan sartzen diren zerbitzu-kontratuak, 206.000 euroko zenbatekoa edo zenbateko handiagoa dutenak, 121.1. artikuluan aurreikusten denaren mende egongo dira.



5. KONTRATUA EGITEA

Kontratua idatziz formalizatuko da.

Bidezkoa izateagatik, kontratuaren zuzeneko esleipenera jotzen bada, kontratuaren formalizazioa dagokion aurrekontua jaulkitzera eta onarpen idatziaren komunikaziora mugatu ahal izango da.

Klausula ekonomiko eta administratiboen plegua lantzen ez bada, sinatzen den kontratuak halaberrez barne hartu beharko ditu SPKLren 26. artikuluan adierazten diren aipamenak.

Kontratuan ez dira, inola ere, barne hartuko Pleguetan aurreikusten direnez bestelako eskubideak eta betebeharrak, betiere aurkeztutako eskaintzaren ondoriozko zehaztapenekin eta esleipen-egintzaren doitasunekin.

6. KONTRATUA GAUZATZEA

Kontratuaren ondorioei eta iraungipenari dagokionez, Pleguetan aurreikusten diren terminoak aplikatuko dira, eta, hala erabakitzen bada, Herri Administrazioen kontratazio-araudira jo ahal izango da. Edonola ere, eta aurrekoaren ordezkotza, zuzenbide zibilean aurreikusitakoa aplikatuko da.

II. Plegua

Klausula ekonomiko eta administratiboen pleguak honako alderdi hauek eduki beharko ditu, prozedura negoziatuaren berezko berezitasunekin:

- Kontratazio-organoa.
- Publizitatea, kontratugilearen profileraren sartzeko modua eta publizitate-gastuak.
- Kontratuaren xedea, eta, hala badagokio, loteak
- Kontratuaren bitartez ase beharreko premiak eta aintzat hartu beharreko askotariko faktoreak.



- Lizitazioko oinarrizko aurrekontua eta, hala badagokio, urteko-zenbatekoen araberako banaketa.
- Kontratuko dokumentazioa.
- Kontratuaren iraupena, luzapenak zehatzuz, halakorik badago.
- Kontratua esleitzeko prozedura: prozedura irekia, mugatua edo negoziatua.
- Proposamenen aurkezpena:

Aurkezteko modua.

Forma eta edukia (aurkeztu beharreko dokumentazioa)

Aurkezteko epea eta tokia.

- Kontratista:

Ahalmena.

Gaitasun-baldintzak.

Kontratatzeko debekua.

Kaudimen ekonomikoa eta finantzarioa (dokumentuak eta gutxieneko atalaseak).

Kaudimen teknikoa eta profesionala (dokumentuak eta gutxieneko atalaseak).

- Ebaluazioa eta esleipena:

Esleitzeko irizpideak eta haztapena edo, prozedura negoziatua denean, negoziatu beharreko alderdiak.

Onartutako proposamenak irekitzea.

Kontratua esleitzea eta esleipena jakinaraztea.

- Esleipendunak aurkeztu beharreko dokumentazioa eta epea.



- Kontratuaren formalizazioa eta epea.
- Aldeen eskubideak eta betebeharrak.
- Kontratua hartzea eta kontratatutako zerbitzugintzaren bermearen epea.
- Prezioaren ordainketen erregimena.
- Kontratua suntsiarazteko kausak.
- Erregimen juridikoa eta jurisdikzioa.

Horrez gain, klausula ekonomiko eta administratiboen pleguak honako alderdi hauek ere jaso beharko ditu:

- Finantziazioa.
- Aldaerak edo hobekuntzak: onartzen diren edo ez diren adierazpena, betiere onartzen diren kontratuaren baldintzak, mugak, modalitateak eta alderdiak adieraziz.
- Prezioak berraztertzea (aplika daitekeen formula edo indize ofiziala adieraziz), SPKLren 75.3. artikuluan ezarritakoaren arabera.
- Behin-behineko edo behin betiko bermeak.
- Sailkapena.
- Ahalmenaren eta kaudimenaren eskakizunak betetzearen egiaztagiriak aztertu diren data.
- Kontratuaren aldaketa: kontratua aldatzeko aukerarik dagoen eta zer baldintzatan alda daitekeen.
- Kontratistari ezarritako konfidentzialtasun-betebeharraren iritsiera, denboran eta helburuetan.
- Lagapena eta azpikontratazioa: kontratua lagatzeko baldintzak adieraztea eta zerbitzugintzak identifikatzea, edo kontratistak kontrata dezakeen zerbitzugintzen ehunekoa identifikatzea (SPKLren 209.2.c. eta 210.5. artikuluei dagokienez).



- Atzerapenen ondoriozko eta gauzatze akastunaren ondoriozko zigorrak.
- Ordenamendu juridikoaren aurkakoa ez den beste edozein itun, klausula eta baldintza.

III. Esleitzeko prozedurak

SPKLren 175. artikuluan aurreikusitakoari jarraituz, kontratu moten eta zenbatekoen arabera esleipen-prozedurak emango dira aditzera.

Ondoren aditzera emango denaren kalterik gabe, kontratazio-organoak lehiarako elkarrizketa-prozedurara jo ahal izango du, betiere 163. artikulutik 167. artikulura bitartean aurreikusten diren suposizioetan eta bertan adierazten diren ondorioekin.

Era berean, kontratazioa arrazionalizatzeko sistemetara jo ahal izango du (esparru-akordioak, kontratazio-sistema dinamikoak, eta kontratazio-zentralak). Hala eginez gero, 180. artikulutik 189. artikulura bitartean erregulazio harmonizatuaren mende dauden kontratueterako aurreikusten dena bete beharko da.

1. OBRA KONTRATUAK

1.1. Zenbatekoen arabera bereizketa

Obra-kontratuari dagokionez, obraren zenbateko ekonomikoaren arabera hiru prozedura bereiziko dira. Horrela:

- a) 49.999,99 eurora arteko zenbatekoa duen obra-kontratua.
- b) 50.000 euro eta 999.999,99 euro arteko zenbatekoa duen obra-kontratua.
- c) 1.000.000 euro eta 5.149.999,99 euro arteko zenbatekoa duen obra-kontratua².

² Edo Europako Batzordeak aurrerantzean finkatzen duen zenbatekoa, SPKLren Hamalagarren Xedapen Gehigarrian aurreikusten denaren arabera



Zenbateko horiek BEZ gabeko zenbatekoak dira.

1.2. **49.999,99 eurora arteko zenbatekoa duen obra-kontratua**

Mota horretako kontratuetan, oro har, **zuzeneko esleipenera** joko da. Bidezko aurrekontua eskatuko da, eta, KURSAALek onartu ostean, dagokion kontratua sinatuko da. Nolanahi ere, nahikoa izan daiteke aurrekontu hori onartzen dela espresuki eta idatziz adieraztea.

Kontratua bete dela egiaztatu ondoren ordainduko da prezioa. Dena den, aurretik kontratistak faktura aurkeztu beharko du, eta faktura hori onartu egin beharko da.

Haatik, prozedura negoziatu ireki edo mugatura ere jo ahal izango da, eta kasu horretan hurrengo idatz-zatian xedatzen dena izango da aplikatzekoa.

1.3. **50.000 euro eta 999.999,99 euro arteko zenbatekoa duen obra-kontratua.**

Mota horretako kontratuetan, **prozedura negoziatu, ireki edo mugatu** bidez esleituko da kontratua. Hautatutako prozedura zehatza jasoarazi beharko da klausula ekonomiko eta administratiboen orrian.

1.3.1. **Prozedura negoziatua**

Prozedura negoziatuaren aldeko hauta eginez gero, honako izapideak bete beharko dira:

- a) **Eskaera:** kontratazioaren eskaera egiteko, KURSAALeko barneko langileek bete egin beharko dute jarraibide hauen III. Eranskin gisa gaineratzen den formularioa.
- b) **Eskaintzen eskaera:** kontratuaren xedea betetzeko ahalmena duten hiru enpresari, gutxienez, eskatuko zaizkie eskaintzak.



- c) **Pleguak:** klausula ekonomiko eta administratiboen plegu bat (jarraibide hauen II. epigrafeko B idatz-zatian aurreikusten den edukiarekin), baldintza teknikoen plegu bat, edo dagokion obra-proiektua landuko da.

Dokumentu horiek berraztertu egingo dira, edo txosten juridikoaren mende egongo dira, baldin eta kontratuaren zenbatekoa 200.000 eurotik gorakoa bada.

- d) **Publizitatea:** kontratuaren zenbatekoa 200.000 eurotik gorakoa denean, kontratugilearen profilean eman beharko da argitara kontratuaren lizitazioa eta esleipena, betiere idatz-zati honen f) letran aurreikusten denaren kalterik gabe.

- e) **Ebaluazioa:** klausula ekonomiko eta administratiboen pleguan zehaztuko dira enprekin negoziatu beharreko alderdi ekonomikoak eta teknikoak.

Sozietatearen langile teknikoek esleipen-proposamen arrazoitua aurkeztuko dute, eta bertan jasoaraziko dira egindako gonbidapenak, jasotako eskaintzak, eskaintza horiek onartzeko edo baztertze arrazoiak, eta egindako negoziazioak.

- f) **Beste aplikazio-suposizio batzuk:** Legearen 154. eta 155. artikuluetan –a), b) eta c) idatz-zatietan– aurreikusten diren kontratuetan ere prozedura negoziatura jo ahal izango da, kontratuaren zenbatekoa edozein izanik ere.

Kasu horietan, kontratugilearen profilean lizitazio-iragarkia baino ez da emango argitara, betiere 154. artikuluko a) eta b) idatz-zatiko suposizioetan eta 155. artikuluko a) idatz-zatiko suposizioetan.

Klausula ekonomiko eta administratiboen pleguan, edo jarraibide hauetan bertan espresuki aurreikusten ez diren alderdietan, Legearen 153., 160., 161. eta 162. artikuluetan ezarritakoa izango da aplikatzekoa, baita, adierazitako artikuluko horiek igorrita, aplikatzekoak izan daitezkeen beste artikuluko batzuetan ezarritakoa ere. Edonola ere, Herri Administrazio bat ez izatearen ondorioz, beharrezkoak diren egokitzapenak egin beharko dira.



1.3.2. **Prozedura irekia edo mugatua**

Prozedura negoziatu ireki edo mugatura jotzen bada, hurrengo idatz-zatian xedatzen dena izango da aplikatzekoa.

1.4. **1.000.000 euro eta 5.149.999,99 euro arteko zenbatekoa duen obra-kontratua.**

Mota horretako kontratuetan, **prozedura ireki edo mugatu** bidez esleituko da kontratua. Hautatutako prozedura zehatza jasoarazi beharko da klausula ekonomiko eta administratiboen pleguan.

Prozedura irekiaren zein mugatuaren aldeko hauta egiten bada, honako arauak hartu beharko dira aintzat:

- a) **Eskaera:** eskaera egiteko, KURSAALeko barneko langileek bete egin beharko dute jarraibide hauen III. Eranskin gisa gaineratzen den formularioa.
- b) **Pleguak:** klausula ekonomiko eta administratiboen plegu bat (jarraibide hauen II. epigrafeko B idatz-zatian aurreikusten den edukiarekin), baldintza teknikoaren plegu bat, edo dagokion obra-proiektua landuko da.

Dokumentu horiek berraztertu egingo dira, edo txosten juridikoaren mende egongo dira.

- c) **Publizitatea:** lizitazioa argitara eman beharko da, gutxienez, kontratugilearen profilean eta Gipuzkoako Aldizkari Ofizialean, edo kontratugilearen profilean eta probintziako egunkari batean. Bestalde, egin den aukera zehatza eman beharko da aditzera klausula ekonomiko eta administratiboen pleguan.
- d) **Proposamenak aurkezteko epea:** klausula ekonomiko eta administratiboen pleguan zehaztuko da proposamenak aurkezteko epea; alabaina, ez da inoiz hogeita sei (26) egun baino gutxiagoko epea izango. Haatik, kontratazio-organoaren iritziz, epea murriztea justifikatuko duten zirkunstantzia bereziak gertatzen direnean, laburragoa izan daiteke epea.



- e) **Proposamenak aurkezteko modua:** proposamenak sekretuak izango dira, eta gutun-azal itxietan aurkeztuko dira, klausula ekonomiko eta administratiboen pleguan zehazten den moduan.
- f) **Ebaluazioa:** kontratazio-organoak zehaztuko ditu kontratua esleitzeko oinarri izango diren irizpideak, baita horien haztapena ere. Iragarkian eta klausula ekonomiko eta administratiboen pleguan adieraziko dira.

Kontratuaren xedearekin zuzenean lotzen diren irizpideak izan daitezke, hala nola kalitatea, prezioa, obraren erabileraren ondoriozko ordainsariak berraztertzeke erabil daitekeen formula, zerbitzugintza gauzatzeko edo egiteko epea, erabiltzearen kostua, ingurumen-ezaugarriak, gizarte-eskakizunekin lotzen diren ezaugarriak, errentagarritasuna, balio teknikoa, ezaugarri estetikoak edo funtzionalak, ordezkoko piezen eskuragarritasuna eta kostua, mantentze-lanak, laguntza teknikoa, salmenta-osteko zerbitzua, eta antzeko beste batzuk.

Aurkeztutako proposamenak ebaluatzeko txosten objektiboa egiteaz eta kontratazio-organoari esleipen-proposamena luzatzeaz arduratuko den Batzorde bat eratzea hartuko da aintzat klausula ekonomiko eta administratiboen pleguan –Batzorde horren ahalmenak ere finkatuko dira bertan–.

200.000 eurotik gorako zenbatekoa duten kontratuetan, txosten juridiko batekin batera egingo da esleipen-proposamena, baldin eta Batzordean aholkularitza juridikorik barne hartu ez bada.

Kontratazio-organoak ekonomikoki eskaintzarik onuragarrienari esleituko dio kontratua, betiere klausula ekonomiko eta administratiboen pleguan aurreikusitako balorazio-irizpide objektiboen arabera, eta esleipen-proposamenaren arabera.

Kontratazio-organoak kontratua formulatutako proposamenari jarraituz esleitu ezean, arrazoitu egin beharko du erabaki hori.

Esleipena kontratugilearen profilean emango da argitara.

Plegu horretan edo honako jarraibide hauetan espresuki aurreikusten ez diren alderdietan, berriz, honako artikuluetan aurreikusitakoa izango da aplikatzekoa: prozedura irekirako, 141., 142., 144. eta 145. artikuluetan aurreikusitakoa (144. artikuluari dagokionez, ez da inoiz aplikatzekoa izango adituen batzordearen edo organismo tekniko espezializatuaren



arloan aurreikusten dena); prozedura mugaturako, 146., 147., 149., 150., 151. eta 152. artikuluetan aurreikusitakoa, baita, adierazitako artikuluek igorrita, aplikatzekoak izan daitezkeen beste artikuluek batzuetan ezarritakoa ere. Bi kasu horietan, Herri Administrazioa ez izatearen ondorioz egin beharreko egokitzapenak izan beharko dira aintzat.

2. GAINERAKO KONTRATUAK (HORNIDURA, ZERBITZUAK ETA BESTE BATZUK)

2.1. Zenbatekoen arabera bereizketa

Kontratu horiei dagokionez (hornidura, zerbitzuak eta beste batzuk), zenbateko ekonomikoaren arabera hiru prozedura bereiziko dira. Horrela:

- a) 17.999,99 eurora arteko zenbatekoa duen kontratua.
- b) 18.000 euro eta 99.999,99 euro arteko zenbatekoa duen kontratua.
- c) Hornidura eta zerbitzuetako kontratuak, 100.000 euro eta 205.999,99 euro arteko zenbatekoarekin³, eta gainerako kontratuak, zenbatekoetan mugarik gabe.

Zenbateko horiek BEZ gabeko zenbatekoak dira.

2.2. 17.999 eurora arteko zenbatekoa duen kontratua

Mota horretako kontratuetan, oro har, **zuzeneko esleipenera** joko da. Bidezko aurrekontua eskatuko da, eta, KURSAALEk onartu ostean, dagokion kontratua sinatuko da. Nolanahi ere, nahikoa izan daiteke aurrekontu hori onartzen dela espresuki eta idatziz adieraztea.

Kontratua bete dela egiaztatu ondoren ordainduko da prezioa. Dena den, aurretik kontratistak faktura aurkeztu beharko du, eta faktura hori onartu egin beharko da.

³ Edo Europako Batzordeak aurrerantzean finkatzen duen zenbatekoa, SPKLren Hamalagarren Xedapen Gehigarrian aurreikusten denaren arabera



Haatik, prozedura negoziatu ireki edo mugatura ere jo ahal izango da, eta kasu horretan hurrengo idatz-zatian xedatzen dena izango da aplikatzekoa.

2.3. **18.000 euro eta 99.999,99 euro arteko zenbatekoa duen kontratua.**

Mota horretako kontratuetan, **prozedura negoziatu, ireki edo mugatu** bidez esleituko da kontratua. Hautatutako prozedura zehatza jasoarazi beharko da klausula ekonomiko eta administratiboen orrian. Halakorik ez badago, kontratazio-organoak berak hautatuko du espresuki.

2.3.1. **Prozedura negoziatua**

Prozedura negoziatuaren aldeko hauta eginez gero, honako izapideak bete beharko dira:

- a) **Eskaera:** kontratazioaren eskaera egiteko, KURSAALeko barneko langileek bete egin beharko dute jarraibide hauen III. Eranskin gisa gaineratzen den formularioa.
- b) **Eskaintzen eskaera:** kontratuaren xedea betetzeko ahalmena duten hiru enpresari, gutxienez, eskatuko zaizkie eskaintzak.
- c) **Pleguak:** klausula ekonomiko eta administratiboen plegu bat (jarraibide hauen II. epigrafeko B idatz-zatian aurreikusten den edukiarekin) eta baldintza teknikoen plegu bat landuko da.

Dokumentu horiek berraztertu egingo dira, edo txosten juridikoaren mende egongo dira, baldin eta kontratuaren zenbatekoa 60.000 eurotik gorakoa bada.

- d) **Publizitatea:** kontratuaren zenbatekoa 60.000 eurotik gorakoa denean, kontratugilearen profilean eman beharko da argitara kontratuaren lizitazioa eta esleipena, betiere idatz-zati honen f) letran aurreikusten denaren kalterik gabe.



- e) **Ebaluazioa:** klausula ekonomiko eta administratiboen pleguan zehaztuko dira enprekin negoziatu beharreko alderdi ekonomikoak eta teknikoak.

Sozietatearen langile teknikoek esleipen-proposamen arrazoitua aurkeztuko dute, eta bertan jasoaraziko dira egindako gonbidapenak, jasotako eskaintzak, eskaintza horiek onartzeko edo baztertzeko arrazoiak eta egindako negoziazioak.

- f) **Beste aplikazio-suposizio batzuk:** Legearen 154. artikuluan, 157. artikuluan –a), b), c), d) eta e) idatz-zatietan–, 158. artikuluan –a), b), c), eta d) idatz-zatietan– eta 159. artikuluan aurreikusten diren kontratuetan ere prozedura negoziatura jo ahal izango da, kontratuaren zenbatekoa edozein izanik ere.

Kasu horietan, kontratugilearen profilean lizitazio-iragarkia baino ez da emango argitara, betiere 154. artikuluko a) eta b) idatz-zatiko suposizioetan, 158. artikuluko a) idatz-zatiko suposizioetan, eta 159. artikuluko suposizioetan (zenbatekoagatik prozedura negoziatura jotzen denean, eta zenbatekoa 60.000 eurotik gorakoa bada).

Klausula ekonomiko eta administratiboen pleguan edo jarraibide hauetan bertan espresuki aurreikusten ez diren alderdietan, Legearen 153., 160., 161. eta 162. artikuluetan ezarritakoa izango da aplikatzekoa, baita, adierazitako artikuluko horiek igorrita, aplikatzekoak izan daitezkeen beste artikuluko batzuetan ezarritakoa ere. Edonola ere, Herri Administrazio bat ez izatearen ondorioz, beharrezkoak diren egokitzapenak egin beharko dira.

2.3.2. Prozedura irekia edo mugatua

Prozedura negoziatu ireki edo mugatura jotzen bada, hurrengo idatz-zatian xedatzen dena izango da aplikatzekoa.



2.4. **100.000 euro eta 205.999,99 euro arteko zenbatekoa duen kontratua.**

Mota horretako kontratuetan, **prozedura ireki edo mugatu** bidez esleituko da kontratua. Hautatutako prozedura zehatza jasoarazi beharko da klausula ekonomiko eta administratiboen pleguan.

Prozedura irekiaren zein mugatuaren aldeko hauta egiten bada, honako arauak hartu beharko dira aintzat:

- a) **Eskaera:** eskaera egiteko, KURSAALeko barneko langileek bete egin beharko dute jarraibide hauen III. Eranskin gisa gaineratzen den formularioa.
- b) **Pleguak:** klausula ekonomiko eta administratiboen orri bat (jarraibide hauen II. epigrafeko B idatz-zatian aurreikusten den edukiarekin) eta baldintza teknikoaren orri bat landuko da.

Dokumentu horiek berraztertu egingo dira, edo txosten juridikoaren mende egongo dira.

- c) **Publizitatea:** lizitazioa argitara emango da, gutxienez, kontratugilearen profilean eta Gipuzkoako Aldizkari Ofizialean, edo kontratugilearen profilean eta probintziako egunkari batean – klausula ekonomikoen eta administratiboen orrian, egin den aukera zehatza eman beharko da aditzera–.
- d) **Proposamenak aurkezteko epea:** klausula ekonomiko eta administratiboen pleguan zehaztuko da proposamenak aurkezteko epea; alabaina, ez da inoiz hamabost (15) egun baino gutxiagoko epea izango. Haatik, kontratazio-organoaren iritziz, epea murriztea justifikatuko duten zirkunstantzia bereziak gertatzen direnean, laburragoa izan daiteke epea.
- e) **Proposamenak aurkezteko modua:** proposamenak sekretuak izango dira, eta gutun-azal itxietan aurkeztuko dira, klausula ekonomiko eta administratiboen pleguan zehazten den moduan.
- f) **Ebaluazioa:** kontratazio-organoak zehaztuko ditu kontratua esleitzeko oinarri izango diren irizpideak, baita horien haztapena ere. Iragarkian eta klausula ekonomiko eta administratiboen pleguan adieraziko dira.



Kontratuaren xedearekin zuzenean lotzen diren irizpideak izan daitezke, hala nola kalitatea, prezioa, obraren erabileraren ondoriozko ordainsariak berraztertze erabil daitezkeen formula, zerbitzugintza gauzatzeko edo egiteko epea, erabiltzearen kostua, ingurumen-ezaugarriak, gizarte-eskakizunekin lotzen diren ezaugarriak, errentagarritasuna, balio teknikoa, ezaugarri estetikoak edo funtzionalak, ordezkotzearen eskuragarritasuna eta kostua, mantentze-lanak, laguntza teknikoa, salmenta-osteko zerbitzua, eta antzeko beste batzuk.

Aurkeztutako proposamenak ebaluatzeko txosten objektiboa egiteaz eta kontratazio-organoari esleipen-proposamena luzatzeaz arduratuko den Batzorde bat eratzea hartuko da aintzat klausula ekonomiko eta administratiboen pleguan –Batzorde horren ahalmenak ere finkatuko dira bertan–.

60.000 eurotik gorako zenbatekoa duten kontratuetan, txosten juridiko batekin batera egingo da esleipen-proposamena, baldin eta Batzordean aholkularitza juridikorik barne hartu ez bada.

Kontratazio-organoak ekonomikoki eskaintzarik onuragarrienari esleituko dio kontratua, betiere klausula ekonomiko eta administratiboen pleguan aurreikusitako balorazio-irizpide objektiboen arabera, eta esleipen-proposamenaren arabera.

Kontratazio-organoak kontratua formulatutako proposamenari jarraituz esleitu ezean, arrazoitu egin beharko du erabaki hori.

Esleipena kontratugilearen profilean emango da argitara.

Plegu horretan edo honako jarraibide hauetan espresuki aurreikusten ez diren alderdietan, berriz, honako artikuluetan aurreikusitakoa izango da aplikatzekoa: prozedura irekirako, 141., 142., 144. eta 145. artikuluetan aurreikusitakoa (144. artikuluari dagokionez, ez da inoiz aplikatzekoa izango adituen batzordearen edo organismo tekniko espezializatuaren arloan aurreikusten dena); prozedura mugaturako, 146., 147., 149., 150., 151. eta 152. artikuluetan aurreikusitakoa, baita, adierazitako artikuluetan horiek igorrita, aplikatzekoak izan daitezkeen beste artikuluetan ezarritakoa ere. Bi kasu horietan, Herri Administrazioa ez izatearen ondorioz egin beharreko egokitzapenak izan beharko dira aintzat.



IV. Errekurtsoak

Kontratu horiek prestatu, esleitu, bete edo iraungitzearen arloko edo kontratuen ondorioen arloko edozein gairen aurrean, **jurisdikzio zibilari** soilik jarri ahal izango zaizkio errekurtsioak.

Horrez gain, kontratuen ondorioen arloan edo kontratuak betetzearen eta iraungitzearen arloan sor daitezkeen desberdintasunak ebazteko, **arbitrajera** jo ahal izango da, abenduaren 23ko 60/2003 Legearen xedapenen arabera. Edonola ere, klausula ekonomiko eta administratiboen pleguan jaso beharko da arbitrajera jotzeko aukera hori, edo, gisa horretako plegurik ez badago, beste edozein kontratu-dokumentutan jaso beharko da.

C. ERREGULAZIO HARMONIZATUAREN MENDE DAUDEN KONTRATUAK

Honako kontratuak dira:

- Obra-kontratuak, 5.150.000 euroko balioa edo balio handiagoa dutenak⁴.
- Hornidura-kontratuak, 206.000 euroko balioa edo balio handiagoa dutenak⁴.
- Zerbitzu-kontratuak, SPKLren II. Eranskineko 1etik 16ra bitarteko kategorietan sartzen direnak eta 206.000 euroko balioa edo balio handiagoa dutenak⁴.

Hori guztia 13.2. artikuluko kontratuen salbuespenarekin, ez baitira erregulazio harmonizatuaren mende egongo –horien balio zenbatetsia edozein izanik ere–.

I. Orokorrean aplikatu beharreko arauak

Erregulazio harmonizatuaren mende dauden kontratuei jarraibide hauen I. epigrafeko B idatz-zatian erregulazio harmonizatuaren mende ez dauden

⁴ Edo Europako Batzordeak aurrerantzean finkatzen duen zenbatekoa, SPKLren Hamalagarren Xedapen Gehigarrian aurreikusten denaren arabera



kontratueterako aurreikusten dena izango zaie aplikatzekoa. Honako espezialitate hauekin:

1. ESPEZIALITATEAK, KONTRATISTEK BETE BEHARREKO BALDINTZEI DAGOKIENEZ

1.1. Gaitasun-baldintzei dagozkien espezialitateak.

Legearen 43. artikuluan xedatutakoaz gain, 44. artikulua ere izango da aplikatzekoa (alde batera utziko da Merkataritzako Munduko Erakundearen kontratazio publikoari buruzko akordioa sinatu duten Estatueterako enpresekiko elkarrekikotasunari buruzko txostena).

1.2. Gutxienerako kaudimen-baldintzei dagozkien espezialitateak.

Jarraibide hauetako B.I epigrafeko 2.4 idatz-zatian xedatutakoaz gain, 63. artikulutik 68. artikulura bitarteko artikuluetan kaudimena egiaztatze moduei buruz xedatutakoa aplikatuko da.

1.3. Kalitate-bermeari buruzko arauak eta ingurumen-kudeaketako arauak betetzea

69. eta 70. artikulua aplikatuko dira kalitate-bermeari buruzko arauak eta ingurumen-kudeaketako arauak betetzen direla egiaztatzeari dagokionez.

Ondorio horretarako aurreikuspenak klausula ekonomiko eta administratiboen pleguan ezarriko dira.

2. KONTRATUA PRESTATZEA

Baldintza teknikoak definitzeko eta ezartzeko, Legearen 101. artikuluan finkatutako arauak aplikatuko dira.



Honako artikulua hauetan xedatzen dena ere izango da aplikatzekoa: 102. artikuluan (kontratua gauzatzeko baldintza bereziak), 103. artikuluan (fiskalitatearen, ingurumen-babesaren, enpleguaren eta laneko baldintzen arloko betebeharrei buruzko informazioa) eta 104. artikuluan (lan-kontratuetakoa subrogazio-baldintzei buruzko informazioa).

Atzeratu ezin den premia bat asetzeko kontratua egitea beharrezkoa bada, edo interes publikoko arrazoiengatik esleipena bizkortu nahi bada, kontratazio-organoak premiazkoztat jo ditzake izapideak –prestatzeko dokumentazioan behar bezala arrazoitzen beharko du hori–. Hala egiten bada, epeak murrizteari buruzko Legearen 96.2.b) artikuluan aurreikusten dena aplikatuko da.

Klausula ekonomiko eta administratiboen plegua eta baldintza teknikoaren plegua berraztertzea egin beharko dira, eta txosten juridikoaren mende egongo dira.

3. KONTRATUA GAUZATZEA ETA FORMALIZATZEA

Behin-behineko esleipenaren eta behin betiko esleipenaren artean bereiziko da, eta, ondorio horretarako, 135. artikuluan xedatutakoa izango da aplikatzekoa.

Kontratua behin betiko esleipenarekin gauzatuko da, eta idatziz formalizatuko da.

II. Plegua

Klausula ekonomiko eta administratiboen pleguak honako alderdi hauek zehaztu ahal izango ditu erregulazio harmonizatuaren mende ez dauden kontratuetakoa –betiere jarraibide hauen II. epigrafeko B idatz-zatian adierazitakoaz gain–:

- Kalitate-bermeari buruzko arauak eta ingurumen-kudeaketako arauak betetzen direla egiaztatzea (SPKLren 69. eta 70. artikuluek xedatzen duten moduan).



- Kontratua gauzatzeko baldintza bereziak eta ez betetzearen ondorioak (SPKLren 102. artikuluan aurreikusten den moduan).
- Fiskalitatearen, ingurumen-babesaren, enpleguaren eta lan-baldintzen arloko betebeharrei buruzko informazioa (SPKLren 103. artikuluan aurreikusten den moduan).

III. Esleitzeko prozedura

Erregulazio harmonizatuaren mende dauden kontratuak SPKLren 174. artikuluan ezarritakoaren arabera esleituko dira, hau da, Herri Administrazioen kontratuertako aurreikusten den bezalaxe, betiere honako egokitzapen hauekin:

- a) Ez da aplikatuko 134. artikuluan 2. idatz-zatiko bigarren artikuluan ezarritakoa, irizpide subjektiboak baloratzeko adituen batzordearen esku-hartzeari dagokionez.
- b) Ez da aplikatuko 136. artikuluan 1. eta 2. idatz-zatietan ezarritakoa, eskaintzen izaera anormala edo proportzioz kanpokoa hautemateko irizpideei dagokienez.
- c) Ez da aplikatuko 140. artikuluan ezarritakoa, kontratuak formalizatzeari dagokionez.
- d) Ez da aplikatuko 144. artikuluan ezarritakoa, proposamenen azterketari eta esleipen-proposamenari dagokionez.
- e) Ez da aplikatuko 156. artikuluan ezarritakoa, zerbitzu publikoa kudeatzeko kontratuak esleitzeko prozedura negoziatura jo daitezkeen suposizioei dagokienez.

Premia dela eta, Legeak ezartzen dituen gutxienerako epeak bete ezin direnean, epeak murrizteari buruzko 96.2.b) artikuluan aurreikusten dena aplikatuko da.

Aurkeztutako proposamenak ebaluatzeko txosten objektiboa egiteaz eta kontratazio-organoari esleipen-proposamena luzatzeaz arduratuko den Batzorde bat eratzea hartuko da aintzat klausula ekonomiko eta administratiboen pleguan –Batzorde horren ahalmenak ere finkatuko dira bertan–.

Lizitazioa eta esleipena honakoetan, gutxienez, eman beharko dira argitara:



- a) Europar Batasuneko Aldizkari Ofizialean, eta Legearen 309. artikuluan aipatzen den kontratazio-plataforman edo sozietateari dagokion Herri Administrazioak kudeatzen duen sistema baliokidean.
- b) Europar Batasuneko Aldizkari Ofizialean eta Estatuko Aldizkari Ofizialean.

Era berean, lizitazioaren iragarkiak eta behin-behineko eta behin betiko esleipena kontratugilearen profilean eman beharko dira argitara.

IV. Errekurtsoak

1. PRESTATZEA ETA ESLEITZEA

Honako egintza hauek egon daitezke **kontratazioaren arloko errekurtso bereziaren** mende: behin-behineko esleipenaren erabakiak, lizitazioa arautzen duten pleguak, zerbitzugintzaren ezaugarriak ezartzen dituzten pleguak eta izapideetako egintzak, betiere azken horiek esleipenaren gainean zuzenean erabakitzen badute, prozedurarekin jarraitzeko ezintasuna zehazten badute, edo interes edo eskubide legitimoei kalte edo babesgabezia konponezina sortzen badiete.

Kontratazio-arloko errekurtso berezia, bestalde, plegua onartzen den unean Administrazio Kontseiluaren Presidentzia duenari jarriko zaio

Errekurtsoa KURSAALen bulegoetan (Zurriola hiribidea, 1) aurkeztu ahal izango da. Nahiago izanez gero, errekurtsoa ebaztea dagokion Administrazio Erregistro Nagusian ere aurkeztu ahal izango da errekurtsoa –aurreko paragrafoan aurreikusitakoak izango du eskumena–.

Kontratazioaren arloko errekurtso berezia SPKLren 37. eta 38. artikuluetan aurreikusitakoaren arabera bideratuko da.

Errekurtsoaren erabakiaren aurka **administrazioarekiko auzi-errekurtsoa** soilik jarri ahal izango da, betiere administrazioarekiko auzi-jurisdikzioa arautzen duen uztailaren 13ko 29/1998 Legean xedatutakoaren arabera.

SPKLren II. Eranskineko 17tik 27ra bitarteko kategorietan sartzen diren zerbitzu-kontratuak erregulazio harmonizatuaren mende ez dauden arren –



zenbatekoa edozein izanik ere–, zerbitzu-kontratu horien zenbatekoa 206.000 eurokoa edo handiagoa bada, kontratazioaren arloko errekurso bereziaren eta administrazioarekiko auzi-errekursoaren mende egon daitezke kontratu horiek, idatz-zati hartan aurreikusten den moduan.

2. ONDORIOAK ETA AMAIERA

Kontratu horiek betetzearen edo iraungitzearen arloko eta kontratu horien ondorioen arloko edozein gairen aurrean, **jurisdikzio zibilari** soilik jarri ahal izango zaio errekurtsua.

IV. Ofizios berraztertzea

Erregulazio harmonizatuaren mende dauden kontratuak prestatzeko egintzak eta errekurtsu horiek behin-behineko eta behin betiko esleitzeko egintzak ofizios berraztertuko dira, azaroaren 26ko 30/1992 Legearen VII. Tituluaren Lehen Kapitulan ezarritakoaren arabera.

Será competente para declarar la nulidad de dichos actos o declarar su lesividad el titular del departamento, órgano, ente u organismo de la Administración que ostente la Presidencia del Consejo de Administración, a la que esté adscrita Kursaal o corresponda su tutela

Egintza horien baliogabetasuna edo kaltegarritasuna deklaratzeko eskumena izango du Kursaala atxikita dagoen edo haren babesa duen Administrazioaren sailaren, organoaren, entitatearen edo organismoaren titularrak.

Hori guztia SPKLren 34. artikuluan aurreikusitakoaren arabera.

D. KONTRATATZAILEAREN PROFILA

KURSAALEk internet bidez hedatuko du bere kontratugile-profila. Horrela, kontratuko jardueraren inguruko gardentasuna bermatuko du, eta kontratuko jarduerari buruzko informazioa guztiengana irits daitekeela ziurtatuko du.

Pleguetan eta lizitazio-iragarkietan, besteak beste, zehaztuko da kontratugilearen profileraz sartzeko modua.



Kontratugilearen profila eusten duen sistema informatikoak gailu egokia izan beharko du bertan gaineratutako informazioa noiz hasten den hedatzen zinez egiaztatzeko.

KURSAALen kontratugilearen profilean honako datu eta informazioak emango dira:

- a) Kontrataziorako barne-jarraibide hauek.
- b) Kontratuen lizitazio-iragarkiak, publizitaterik gabeko kontratu txikiak eta negoziatuak izan ezik.
- c) Kontratuen behin-behineko edo behin betiko esleipena, publizitaterik gabeko kontratu txikiak eta negoziatuak izan ezik.

Horrez gain, kontratugilearen profilean KURSAALen kontratuko jarduerari buruzko edozein datu eta informazio barne hartuko da, honakoak besteak beste: Legearen 125. artikuluan aurreikusten diren informazio-iragarkiak; irekita edo aribidean dauden lizitazioak; lizitazio horien dokumentazioa; programatutako kontratazioak; esleitutako kontratuak; bertan behera geratutako prozedurak; kontratazio-organoarekin harremanetan jartzeko erabil daitezkeen harreman-puntuak eta komunikazio-bideak; eta abar.



I. ERANSKINA

4. artikulua. Kanpoan dauden negozioak eta kontratuak

1. Lege honen esparruaz kanpo daude honako negozio eta erlazio juridiko hauek:

a) Funtzionario publikoen zerbitzu-erlazioa eta lan-legerian araututako kontratuak.

b) Zerbitzu publiko bat egitearen ondoriozko erlazio juridikoak, baldin eta zerbitzu hori erabiltzeko aplikazio orokorreko tarifa, tasa edo prezio publiko bat ordaindu behar den.

c) Estatuko Administrazio Orokorrak honako erakunde hauekin egiten dituen elkarlanerako hitzarmenak, eta organismo eta entitate hauek elkarren artean egiten dituzten elkarlanerako hitzarmenak –haien izaeragatik Lege honen mendeko kontratutzat jotzen direnak izan ezik–: Gizarte Segurantzaren zerbitzu komunak eta entitate kudeatzaileak, unibertsitate publikoak, Autonomia Erkidegoak, tokiko entitateak, organismo autonomoak eta gainerako entitate publikoak.

d) Hitzarmenak arautzen dituzten berariazko arauen indarrez, Administrazioak zuzenbide pribatuaren mende dauden pertsona juridikoekin edo fisikoekin egiten dituen hitzarmenak, betiere hitzarmenaren xedea ez badago Lege honetan edo administrazio-arau berezietan arautako kontratuen xedeen artean.

e) Europako Erkidegoaren Eratze Itunaren 296. artikuluaaren esparruan barne hartzen diren hitzarmenak –defentsaren sektorean erabakitzen direnak–.

f) Estatuak beste Estatu batzuekin edo nazioarteko zuzenbide publikoko entitateekin egiten dituen hitzarmenak.

g) Herri Administrazioen mendeko zuzenbide publikoko organismoen zuzeneko jardueri dagozkien hornidura-kontratuak –organismo horiek merkataritzako, industriako, finantzako edo antzeko beste arlo batzuetako jarduerak garatuko dituzte–, baldin eta kontratu horien mende dauden ondasunak (aldaketekin edo aldatu gabe) ondare-trafiko juridikora itzultzeko asmoz eskuratu badira haien xede bereizgarrien arabera, betiere organismo horiek Legeak esleitzen dizkien berariazko eskumenen jardunean dihardutenean.

h) Europako Erkidegoaren Eratze Itunaren arabera, Europar Batasuneko kide ez diren herrialde batekin edo batzuekin egindako nazioarteko akordioen ondoriozko kontratuak eta hitzarmenak, betiere obra bat batera egiteari edo ustiatzeari zuzendutako obrei edo hornidurei dagozkienak edo proiektu bat batera egiteko edo ustiatzeko zerbitzuen kontratuei dagozkienak.

i) Armada kokatzearen alorreko nazioarteko akordioaren indarrez egindako kontratuak eta hitzarmenak.

j) Nazioarteko antolakunde baten berariazko prozedura baten indarrez esleitutako hitzarmenak eta kontratuak.

k) Arbitrajeko eta adiskidetzeko zerbitzuei dagozkien kontratuak.

l) Baloreak edo beste finantza-tresna batzuk jaulkitzearekin, erostearekin, saltzearekin eta eskualdatzearekin lotzen diren finantza-zerbitzuen kontratuak, zehazki: Estatuaren finantza-kudeaketako eragiketak; sektore publikoko erakundeek, organismoek eta entitateek funtsak edo kapitala lortzeko eragiketak; Espainiako Bankuak egindako zerbitzuak; eta diruzaintzako eragiketak.

m) Sektore publikoko erakunde, organismo edo entitate batek ondasunak edo eskubideak emateko edo zerbitzuren bat egiteko konpromisoa hartzen duen kontratua. Edonola ere, ondasunak eskuratzen dituenak edo zerbitzuen hartzaileak (baldin eta Lege honen mende dagoen sektore publikoko entitate bat bada) kontratua egiteko aginduetara moldatu beharko dute.

n) Entitate bati zerbitzu jakin bat egitea agintzen dioten negozio juridikoak –entitate horrek berezko bitarteko izaera eta zerbitzu tekniko izaera izan beharko du, 24.6. artikuluan adierazitakoaren arabera–. Hala ere, Lege honen mende egongo dira berezko bitarteko eta zerbitzu tekniko gisa har daitezkeen entitateek enkarguaren ondoriozko zerbitzuak gauzatzeko egin behar dituzten kontratuak. Horretarako, egiten dituen entitatearen eta zenbatekoen arabera bidezkoa izan daitekeena hartuko da aintzat. Edonola ere, obra, zerbitzu edo horniduren arloko kontratuak direnean, eta horien zenbatekoak Aurretiazko Titulu honen II. Kapituluaren 2. sekzioan ezarritako atalaseak gainditzen dituztenean, zuzenbide pribatuko entitateek 121.1 eta 174. artikuluetan ezarritako arauak izango dituzte kontuan kontratu horiek prestatzeko eta esleitzeko.

o) Jabari publikoko ondasunen gaineko baimenak eta emakidak ustiatzeko kontratuak eta 7. artikuluan definitutakoaz bestelako ondare-ondasunak ustiatzeko kontratuak, haien berariazko legeriaren arabera arautuko direnak –Lege honen aginduak aplikatzekoak izango direla aditzera ematen den kasuetan izan ezik–.

p) Ondasun higiezin, balio negoziagarrien eta jabetza ukiezinen gaineko salerosketako, dohaintzako, trukeko, errentamenduko eta gainerako antzeko negozio juridikoetako kontratuak, betiere ordenagailuko programei ez dagozkienean eta hornidura-kontratu edo zerbitzu-kontratu gisa kalifikatu behar direnean izan ezik. Izan ere, kontratu pribatuko izaera izango dute beti, eta ondare-legeriari jarraituz eraenduko dira. Kontratu horietan ezin izango dira sartu Aurretiazko Tituluaren II. Kapituluako 1. sekzioan arautzen diren kontratu tipikoen berezko zerbitzugintzak, baldin eta horien balio zenbatetsia negozioaren guztizko zenbatekoaren 100eko 50etik gorakoa bada, edo ondare-kontratuaren berezko zerbitzugintzarekin lotespen-erlaziorik mantentzen ez ez badute eta osagarriak ez badira –25. artikuluan aurreikusten den moduan–. Bi suposizio horietan, zerbitzugintza horien kontratazio independentea egin beharko da, Lege honetan ezartzen denaren arabera.

q) Estatuko ikerketako organismo publikoek eta Autonomia Erkidegoetako antzeko organismoek egindako zerbitzu eta hornidurako kontratuak, baldin eta ikerketa, garapen eta berrikuntza teknologikoko proiektuak gauzatzeko beharrezko zerbitzugintzak, produktuak edo zerbitzu teknikoak gauzatzeko bada horien xedea. Edonola ere, horien ondoriozko emaitzak aurkezteak eta lortzeak lotuta egon beharko du trafiko juridikora txerta daitezkeen erretornu zientifikoekin, teknologikoekin edo industrialekin. Gainera, horiek gauzatzeko esleipena lehia-prozesuen bitartez agindu beharko zaizkio organismoaren ikerketa-taldee.



2. Aurreko idatz-zatian zerrendatutako kontratuak, negozioak eta erlazio juridikoak haien arau berezien bidez arautuko dira; alabaina, Lege honen printzipioak aplikatuko dira aurkez daitezkeen zalantzak edo hutsuneak ebazteko.

II. ERANSKINA

13. artikulua.

2. Aurreko idatz-zatian adierazitakoaz bestalde, honako kontratuak ez dira erregulazio harmonizatuaren mende egongo, horien balio zenbatetsia edozein izanik ere:

a) Irratidifusioko organismoek irratidifusiorako programak erostea, garatzea, ekoiztea edo batera ekoiztea helburu dutenak, eta irratidifusioko aldiari dagozkionak.

b) Kontratazio-organoak osorik ordaindutako ikerketakoak eta garapenekoak, baldin eta horien emaitzak organo horrek bere jarduerarako soilik erabiltzeko gordetzen ez badira.

e) Europako Erkidegoaren Eratze Itunaren 296. artikuluaaren esparruan barne hartzen direnak – defentsaren sektorean erabakitzen direnak–.

d) Sekretuak edo erreserbatuak izendatzen direnak, edo, gauzatu nahi badira, segurtasun-neurri bereziak behar dituztenak –indarrean dagoen legeriaren arabera–, edo Estatuaren segurtasunerako funtsezko interesak babestea eskatzen dutenak.

e) Kontratazio-organoei telekomunikazio-sare publikoak abian jartzeko edo ustiatzeko aukera ematea helburu dutenak, edo hiritarrei telekomunikazio-zerbitzu bat edo batzuk hornitzeko aukera ematea helburu dutenak.



III. ERANSKINA

Sozietatearen izena: [...]		KONTRATAZIO ESKAERA			
Eskatzailea		Arloa		Data	
KONTRATAZIOAREN XEDEA ETA KONTRATU MOTA					
BETE BEHARREKO PREMIEN IZAERA ETA IRITSIERA					
KONTRATUAREN JUSTIFIKAZIOA ETA EGOKITASUNA					
ZEHAZTAPEN TEKNIKO INTERESDUNAK					
GUTXI GORABEHERAKO PREZIOA					
Arlo eskatzaileko zuzendariaren ikus-onetsia			Arlo ekonomikoko zuzendariaren ikus-onetsia		
Izena			Izena		
Data			Data		